

ՊԱՅՄԱՆԱԳԻՐ N ՀՀՀ-ՄԱԾՁԲ-21/63-Պ

ք.Երևան

07-ը սեպտեմբեր 2021թ

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Հովհաննես Մովսիսյանի, ով գործում է ընկերության կանոնադրության հիման վրա, մի կողմից, և

«Հայաստանի ազգային ֆիլիարմոնիկ նվագախումբ» ՊՈԱԿ-ը (այսուհետ՝ Կատարող), ի դեմս տնօրեն Էդուարդ Թոփչյանի, մյուս կողմից, (այսուհետ, յուրաքանչյուրը առանձին՝ Կողմ, միասին՝ Կողմեր),

կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԿԱՏԱՐՄԱՆ ԺԱՄԿԵՏԸ

- 1.1. Սույն Պայմանագրով Կատարողը պարտավորվում է մատուցել Հանրային հեռուստաընկերության «Առաջին ալիքի» 2021թ. աշնանային եթերաշրջանի բացման համերգի (այսուհետ՝ Համերգ) ընթացքում «Հայաստանի ազգային ֆիլիարմոնիկ նվագախումբի» և 4 մենակատարի ելույթների ապահովման ծառայություններ (այսուհետ՝ Ծառայություններ), իսկ Պատվիրատուն պարտավորվում է ընդունել Ծառայությունները և վճարել սույն Պայմանագրով սահմանված կարգով:
- 1.2. Կողմերը արձանագրում են, որ Պատվիրատուի հետ բանավոր համաձայնությամբ Կատարողը Ծառայությունները մատուցելու համար ստեղծելու է երաժիշտներից/կատարողներից/ բաղկացած խումբ (այսուհետ՝ Խումբ):
- 1.3. Կատարողը երաշխավորում է, որ կապահովի Խմբի մասնակցությունը Համերգին:
- 1.4. Կողմերը արձանագրում են, որ Համերգի տեսագրությունների նկատմամբ բոլոր իրավունքները պատկանում են Պատվիրատուին:
- 1.5. Կողմերը երաշխավորում և հավաստում են, որ իրավասու են ստորագրել սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:
- 1.6. Ծառայությունները մատուցվում են 2021թ. սեպտեմբերի 12-ին:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1. Պատվիրատուն իրավունք ունի՝

- 2.1.1. Կատարողից պահանջել սույն Պայմանագրով նախատեսված Ծառայությունները մատուցել պատշաճ որակով և սահմանված ժամկետներում,
- 2.1.2. պահանջել Կատարողից իրեն տրամադրել Ծառայությունների մատուցման ընթացքի վերաբերյալ տեղեկատվություն,
- 2.1.3. ստուգել Կատարողի կողմից Ծառայությունների մատուցման ընթացքը և որակը՝ առանց միջամտելու վերջինիս գործունեությանը,

- 2.1.4. ցուցումներ տալ Կատարողին Ծառայությունների կատարման վերաբերյալ՝ սույն Պայմանագրի շրջանակներում,
- 2.1.5. պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս,
- 2.1.6. Պահանջել Կատարողից հատուցել Ծառայությունների մատուցման ընթացքում Պատվիրատուին պատճառված վնասը ամբողջությամբ, ներառյալ բաց թողնված օգուտը,
- 2.1.7. միակողմանի լուծել սույն Պայմանագիրը, եթե Կատարողի կողմից խախտվել են սույն Պայմանագրով սահմանված ժամկետները:

2.2. Պատվիրատուն պարտավոր է՝

- 2.2.1. Ընդունել սույն Պայմանագրին համապատասխան մատուցված Ծառայությունները, իսկ թերություններ հայտնաբերելու դեպքերում՝ այդ մասին անհապաղ հայտնել Կատարողին,
- 2.2.2. Վճարել Կատարողին մատուցված Ծառայությունների համար սույն Պայմանագրով սահմանված չափով, կարգով և ժամկետներում,
- 2.2.3. Սույն Պայմանագրի կատարման համար Կատարողին տրամադրել անհրաժեշտ տեղեկատվությունը,
- 2.2.4. Ծառայությունների մատուցման համար Կատարողի ներկայացուցիչներին և Խմբին տրամադրել Պատվիրատուի տարածք մուտք գործելու հնարավորություն,
- 2.2.5. Տեղեկացնել Կատարողին Համերգի սկսվելու ժամի մասին, տրամադրել Համերգի սցենարը՝ կատարվելիք ստեղծագործությունների և դրանց հաջորդականության մասին նշումով:

2.3. Կատարողը իրավունք ունի՝

- 2.3.1. Պատվիրատուից պահանջել իրեն տրամադրել սույն Պայմանագրի կատարման համար անհրաժեշտ տեղեկատվությունը,
- 2.3.2. Պատվիրատուից պահանջել սույն Պայմանագրով սահմանված կարգով և ժամկետներում ընդունել պատշաճ մատուցված Ծառայությունները,
- 2.3.3. Պատվիրատուից պահանջել վճարել սույն Պայմանագրով սահմանված չափով, կարգով և ժամկետներում:

2.4. Կատարողը պարտավոր է՝

- 2.4.1. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը երրորդ անձանց ներգրավումը Կատարողի կողմից հնարավոր է միայն Պատվիրատուի նախնական գրավոր համաձայնության հիման վրա,
- 2.4.2. Ծառայությունները մատուցել պատշաճ որակով, ՀՀ օրենսդրության պահանջներին, ինչպես նաև Ծառայությունների մատուցումը կարգավորող կիրառելի նորմերին, կանոններին և ստանդարտներին համապատասխան,

- 2.4.3. Պատվիրատուի պահանջով վերջինիս ներկայացնել Ծառայությունների մատուցման ընթացքի վերաբերյալ տեղեկատվություն,
- 2.4.4. Աջակցել Պատվիրատուին Ծառայությունների մատուցման ընթացքը և որակը ստուգելիս,
- 2.4.5. հետևել սույն Պայմանագրի պայմանների սահմաններում Պատվիրատուի տրված ցուցումներին,
- 2.4.6. Պատվիրատուի կողմից սահմանված ողջամիտ ժամկետում անհատույց վերացնել Ծառայությունների մատուցման արդյունքում հայտնաբերված թերությունները և/կամ շեղումները,
- 2.4.7. Ապահովել Խմբի ներկայանալը Ծառայությունները մատուցելու համար անհրաժեշտ երաժշտական և այլ գործիքներով,
- 2.4.8. Ապահովել Պատվիրատուի ներկայացրած սցենարին համապատասխան Ծառայությունների մատուցումը Խմբի կողմից,
- 2.4.9. Ապահովել Համերգի սկսվելուց 2 (երկու) ժամ առաջ Խմբի ներկայանալը Հանրային հեռուստաընկերություն՝ Համերգի բնույթին համապատասխան և նման հանգամանքներում սովորաբար կրվող դասական հագուստներով:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

- 3.1. Սույն Պայմանագրով մատուցվող Ծառայությունների արժեքը կազմում է 3 405 000 (երեք միլիոն չորս հարյուր հինգ հազար) ՀՀ դրամ, ներառյալ բոլոր կիրառելի հարկերը: Սույն կետում նշված գինը ներառում է Կատարողի կողմից իրականացվող բոլոր ծախսերը, այդ թվում նաև անձնակազմի և երաժշտական գործիքների ծախսերը:
- 3.2. Պատվիրատուն սույն Պայմանագրով նախատեսված վճարումն իրականացնում է հանձնման-ընդունման ակտի և հաշիվ-վավերագրի երկկողմանի հաստատվելուց հետո 20 (քսան) աշխատանքային օրվա ընթացքում:
- 3.3. Սույն Պայմանագրով վճարումը իրականացվում է անկանխիկ եղանակով՝ դրամական միջոցները Կատարողի բանկային հաշվեհամարին փոխանցելու միջոցով:
- 3.4. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 3.5. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

4. ԾԱՌԱՅՈՒԹՅՈՒՆՆԵՐԻ ՀԱՆՁՆՈՒՄ-ԸՆԴՈՒՆՈՒՄԸ

- 4.1. Ծառայությունների մատուցման ավարտից հետո 15 (տասնհինգ) աշխատանքային օրվա ընթացքում Կատարողը Պատվիրատուին է ներկայացնում իր կողմից հաստատված հանձնման-ընդունման ակտ և հաշիվ-վավերագիրը:
- 4.2. Հանձնման-ընդունման ակտը Կատարողի կողմից ներկայացնելու օրվանից 3 (երեք) աշխատանքային օրվա ընթացքում Պատվիրատուն Կատարողի աջակցությամբ ստուգում է մատուցված Ծառայությունների որակը և առարկությունների բացակայության դեպքում հաստատում է հանձնման-ընդունման ակտը և հաշիվ-վավերագիրը:

- 4.3. Այն դեպքում, երբ մատուցված Ծառայություններում հայտնաբերվում են թերություններ և/կամ շեղումներ, Պատվիրատուն պարտավորվում է սույն Պայմանագրի 4.2 կետում նշված ժամկետում Կատարողին գրավոր ներկայացնել հանձնման-ընդունման ակտի չհաստատման հիմնավորում, նշելով հայտնաբերված թերությունները և/կամ շեղումները և սահմանելով դրանց վերացման ողջամիտ ժամկետները:
- 4.4. Այն դեպքում, եթե Պատվիրատուն սույն Պայմանագրի 4.2 կետում նշված ժամկետում չի հաստատում Հանձնման-ընդունման ակտը և Կատարողին չի ներկայացնում դրա հիմնավորումը, ապա Հանձնման-ընդունման ակտը համարվում է հաստատված Պատվիրատուին ներկայացնելու ամսաթվով:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 5.2. Պատվիրատուի կողմից վճարումը ուշացնելու դեպքում Կատարողը իրավունք ունի Պատվիրատուից գանձել տույժ՝ վճարման ենթակա գումարի 0,5 տոկոսի չափով յուրաքանչյուր ուշացված օրվա համար, բայց ոչ ավելի քան վճարման ենթակա գումարի 5 (հինգ) տոկոսը:
- 5.3. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:
- 5.4. Տուժանքների վճարումը չի ազատում Կողմերին սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:

6. ՖՈՐՍ-ՄԱԺՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:
- 6.2. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի պայմաններին, արժեքին, Պայմանագրից բխող գործողություններին, կամ Պայմանագրի վերաբերյալ բանակցություններին առնչվող ողջ տեղեկատվությունը (այդ թվում, փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է), գաղտնի է և չի կարող

տրամադրվել որևէ երրորդ կողմի, բացառությամբ մյուս Կողմի նախապես տրամադրված գրավոր համաձայնության կամ ՀՀ օրենսդրությամբ նախատեսված դեպքերի:

- 7.2. Կողմերը պարտավոր են սույն Պայմանագրի գործողության ընթացքում, ինչպես նաև Պայմանագրի լուծումից հետո 3 (երեք) տարվա ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը, գործադրելով առնվազն այնպիսի ջանքեր, ինչպիսիք կգործադրվեին իրենց իսկ նման տեղեկատվության պաշտպանության համար:

8. ԵԶՐԱՓՈՒԿ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում է մինչև դրանում նախատեսված պարտավորությունների ամբողջական կատարումը:
- 8.2. Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած հակընդդեմ պարտավորության հաշվանցով՝ առանց կողմերի գրավոր համաձայնության: Պայմանագրից ծագած պահանջի իրավունքը չի կարող փոխանցվել այլ անձի՝ առանց պարտապան կողմի գրավոր համաձայնության:
- 8.3. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 8.4. Կողմերից որևէ մեկը իրավունք չունի սույն Պայմանագրով սահմանված իր իրավունքներն ու պարտականությունները փոխանցել երրորդ անձի՝ առանց մյուս Կողմի գրավոր համաձայնության:
- 8.5. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.6. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ ծանուցման հասցեներով փոստային առաքմամբ կամ առձեռն հանձնելու և/կամ էլեկտրոնային փոստով կամ Կողմերի համաձայնությամբ նախատեսված այլ եղանակներով:
- 8.7. Սույն Պայմանագրի բոլոր հավելվածները, եթե առկա են, հանդիսանում են Պայմանագրի անբաժանելի մասը:
- 8.8. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի լիազոր ներկայացուցիչների կողմից:
- 8.9. Սույն Պայմանագիրը կարող է վաղաժամկետ լուծվել սույն Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ:
- 8.10. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, վերջինս պարտավոր է պատշաճ կերպով գրավոր ծանուցի մյուս

Կողմին այդ մասին՝ համապատասխան փոփոխությունից հետո 5 (հինգ) աշխատանքային օրվա ընթացքում:

- 8.11. Պայմանագրի Կողմերի՝ երրորդ անձանց նկատմամբ պարտավորությունները՝ ներառյալ Պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:
- 8.12. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 8.13. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 8.14. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՏՎՅԱԼՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ
Պատվիրատու **Կատարող**

«Հայաստանի հանրային հեռուստաընկերություն» ՓԲԸ
Հասցե՝ ՀՀ, ք. Երևան, Գ. Հովսեփյան 26

ՀՎՀՀ՝ 01540062

«Արդշինբանկ» ՓԲԸ

Հ/Հ՝ 2470102796740000

«Հայաստանի ազգային ֆիլհարմոնիկ նվագախումբ» ՊՈԱԿ
Հասցե՝ ՀՀ, ք. Երևան, Մաշտոցի 46

ՀՎՀՀ՝ 02508792

Թիվ 1 Տարածքային գանձապետական բաժանմունք

Հ/Հ՝ 900018001751

Հովհաննես Մովսիսյան
Գործադիր տնօրեն



Էդուարդ Թովիսյան
Տնօրեն

